

ձող.

Անցեալ շաբաթոջ եկն գիր մի ի հալապու քրքճի գրիգորին գրեալ ապրէլի 16 աւուր ի յօսէփէ որդւոյ իւրոյ, որ համառօտ բանիւ գրէ այսպէս. Զկնի որոյ քիլտանցոց Արհի եպիսկոպոսն շուեաց ի հալապոյ տասնապատիկ եղև զրկանք և տուգանք և սոփն քան զոր առաջ էին և ամե նայն աւուր իբր 40 անձինք ի քրիստոնէից մեռանին ի սովու, մի մասն ի մէջ տանց և 3 մասն ի փողոցս և ի հրապարակս, և ի տանկաց առաւել ևս. և մանկունք աւելի յոթ քան զչափ հասեալս մեռանին. ուստի վասն բազմութեան նոցին վանդակաւ բարձեալ զդիակունս նոցա և տարեալ զչորսն և զհինգն ի միում գերեզմանի թաղեն. ուստի ի շրջիլն ի մէջ մթազոյն շուկայից մեծ զգուշութիւն պիտոյ է, զի մի ոտիւք կոխիցեն զնուաղեալսն ի սովու և զմեռեալս և զանկեալս ի վերայ ճանապարհի, և այլն: (Յովսէփի կտս. առ Հ. Գրիգոր վարդապետ, 1758 Օգոստ. 26. ի Հքօմ):

ձող.

Գիպուած ինչ ցաւալի հանդիպեցաւ յաւուրս այսօտիկ ի պէլէկրատն, վասն զի բոլոր ծածուկն եպիսկոպոսանիստ պալատին և առագաստն մեծաչէն և հոյակապ եկեղեցւոյն այրեցաւ, և բովանդակ զանգալքն հալեցան. թէպէտ ի ներքուստ ոչ եկեղեցւոյն և ոչ պալատին ամենևին փնաս ինչ ոչ եղև, զի զարմանալի քարաչէն և կամարաձև շինուածք էին: Բայց այսու ամենայնիւ այսպէս ասեն, մինչև 40 հազար մաճրու փնաս եղև և այժմ, զ[երապայժառ] եպիսկոպոսն մինչև ի ձմեռան կամի վերստին ծածկել զառագաստն այլ առաւել ամրագոյն քան զառաջինն:... Լուաք աստ վասն ընտրութեան սրբազան պապին, թէ է պապ կարտինալն պատուայու Գարլօ ոչձօնիգօ վէնէտիքու: Յոյժ ուրախացաք, մանաւանդ Հ. Կարապետն մեզ լիապէս գրեաց, թէ որպիսի ուրախութիւն եղև ի վէնէտիք: Ինձ թուի գերյարգելի զի այժմ յոյժ բարեոք լինէր մեզ ունիլ զբնակութիւն ի հոսմ, և տեսական աննել զկացութիւն կրօնին մեռոյ: (Հ. Ղազարոս առ Մեղգունեան, 1758 Օգոստ. 28. [Եղիսաբերուպոլիս]):

ձիւ.

Էրէկեան օրն Ամենապայծառ Աստուածածնի եկեղեցւոջ որ է մերձ բօրթօ բօբօլօյին եղև ըստ հին սովորութեան Գափէլլայ փափական, և անդ զումարեցաւ մեծահանդէս ժողովն առաքելական Պալատին. և զկնի կարտինալական ձայնաւոր Պատարագի, հրեշտակն Նապօլոյ թագաւորի եկն հանդիսիւ. ընծայեաց սրբազանին գերիվարն և 12000 սքութ վասն հարկի սիկիլեայ կղզոյն. և ասեն ի տօնի սրբոց Պահապան հրեշտակաց Պապն կարտինալ ասնելոց է զիւր նիփօսն և զեպիսկոպոսն Պատուայու և այլ ոմն ընդ նոսին: (Յովսէփի կտս. առ Հ. Գեորգ, 1758 սեպտ. 9. ի Հքօմ):

ձող.

Պատրիարքն առ նախանձու զսառաֆօղու սէրգիս վարդապետն, որ երբեմն այդր էր, յաքսորս առաքեաց ի կիպրոս կղզին, ի սեպտեմբերի 8, (զոր Հ. Մկրտիչն ոչ գիտէ, զի ելեալ էր աստի)...: Պատճառն սիւրկիւնին նորա երկու են զլիաւորք: Մինն նախանձն պատրիարքին, որով նախանձէր ընդ ընդունելութիւն նորա ի բազմաց. ընդ քարոզն, որով զովիւր ի բազմաց, և ընդ հոչակն նորա, որով հոչակիւր գոլ գիտուն, զի... կամի զի ինքն միայն գացի յերկրի իմաստուն. ուստի և ընդ գիտութիւն հրէի և տանկի նախանձի: (Հ. Զարարիա առ Մեղգունեան, 1758 սեպտ. 13. [Կ. Պոլիս]):